

2019 Nienz Vahcuengh Sawcuengh Suijbingz Gaujsi Sigenj (Gaugaep)

Gij Saeh Aeu Haeujsim

1. Vahcuengh Sawcuengh Suijbingz Gaujsi (Gaugaep) yungh seizgan 150 faencung.
2. Faenh gienj neix muenxfaen 100 faen.
3. Cingj souj dieggauj gijliz, dingqcoengz bouxgamgauj dazyinx. Dap daez sat le, cuengq mbaw gienj youq gwnz daiz, caj bouxgamgauj diemj ndei、sou ndei le cij ndaej byaij ok dieggauj.

Ndaeifaen	Bouxbingzgienj

It、Genj Swz Dienzhoengq (10 faen)

Gangjmingz: 1~10 daez, moix daez 1 faen, gungh 10 faen. Moix diuz daezmoeg miz giz guenghhoengq ndeu, baihlaeng daezmoeg bwh miz A、B、C、D seiq aen genjhangh. Cingj mwngz genj ok hangh ceiq hab ndeu, dawz aen cihmeh baihnaj hangh neix sij youq ndaw gvathauh.

1. Rumzhung ci daeuj lo, aenruz gyang dah ____ mbouj dingz. 【 】
A. boekgvaq B. boekloek C. boekbit D. boekbienq
2. Dahlwg Yangz Siumingz caengz rox byaij, ngoenznaengz caenh youq gwnz doem aeu caekhaex ____ baenaj. 【 】
A. gveux B. gvez C. gvex D. gved
3. Ciet cingmingz Bouxcuengh aeu ____ daeuj nyumx haeuxnaengj hoengz. 【 】
A. mbawraeu B. mbawromj
C. mbawgyaemq D. vamai
4. Feiz yaek ____ lo, vaiq dem fwnz haeuj cauq bae. 【 】
A. mon B. moengj C. moek D. mueg
5. “王欣” aen coh neix, cih “欣” cienjsij baenz ____ . 【 】
A. Sin B. Yinh C. Sinh D. Cinh

6. De youq raeb laeng vunz luenh ngab luenh hoed, ___ lai lo. 【 】
 A. dwg'eiq B. dwgngreiz C. dwgcaengz D. dwghoz
7. Faex mbouj siuq mbouj ____, vunz mbouj son mbouj rox. 【 】
 A. gon B. gonq C. gonz D. gonj
8. Laeuj neix ___ hoz, gwn le caen gvaqyinx. 【 】
 A. get B. geb C. ged D. gep
9. Lajneix kuj swz ___ cungj sij ndaej deng. 【 】
 A. gyangq (固执) gyab (甲) oep (敷)
 B. mod (蛀虫) ngieg (蛟龙) nya (渣)
 C. nap (捏) sau (扫) boek (牛鼻绳)
 D. seb (垫) souh (寿) laez (蜂刺)
10. Lajneix kuj cwngzyij ___ cungj hoiz ndaej ngamj. 【 】
 A. 胸有成竹 — ndaw sim miz daej
 形影不离 — ngumh mbouj liz ngaenz
 兴衰荣辱 — hwngq yungz baih nyaenq
 B. 信手拈来 — fwngz dawz gvaqdaej
 心胸狭窄 — aekgaeb dungxgaeb
 逍遥法外 — soengsup cwzcai
 C. 响彻云霄 — yiengj daengz gwnzmbwn
 胡思乱想 — doeng ngeix sae siengj
 先发制人 — sien ceih vunz gonq
 D. 鲜艳夺目 — ronghsien gyaeunde
 喜形于色 — angj loh gwnz naj
 无孔不入 — miz congh couh ndonj

Ndaejfaen	Bouxbingzgienj

Ngeih、Yawjdoeg Roxyiuj (26 faen)

(It) Genj swz deng

Gangjmingz: 11~20 daez, moix daez 1 faen, gung 10 faen. Song duenh vah lajneix, moix duenh miz 5 giz guenghhoengq, baihlaeng moix duenh vah bwh miz 10 aen genjhangh. Cingj mwngz ciuq eiqsei moix duenh vah genj ok aen genjhangh ceiq habngamj, dawz aen cihmeh baihnaj genjhangh sij haeuj guenghhoengq bae.

Nuengxiq caenh rox daej, mizseiz daxmeh raen de daej youqgaenj lai, couh cijndei **11.**____ aen gyaeujcij bauzbedbed haeuj ndaw bak de bae, de **12.**____ geij mbat, mbouj ok raemxcij, couh youh daejngeungeu. Couh yienghneix, gou umj daegnuengx daengx mbanj bae “vaq cij”, ngoenzneix raen Naxleix, ngoenzcog raen Naxvuengz … … Mboujguenj dwg doengxngoenz roxnaeuz gyanghaemh, gyoengq daxnax **13.**____ angq ciep daegnuengx. Daegnuengx hix couh yienghneix miz le cib geij boux “meh” ndei, codaeuz fajnaj **14.**____ de, youh **15.**____ lumj aen bingzgoj lo!

- | | | | |
|---------------|-----------------|---------------|---------|
| A. naemjnaemj | B. reuxred | C. cix | D. saet |
| E. hoengzoiq | F. saek | G. reuqredred | H. doq |
| I. heuswdsd | J. nyaemjnyaemj | | |

Seizdoeng, diuz Dahhoengz gizsaed caeuq diuz Dahheu mbouj miz maz cengca lai: Dah **16.**____, raemxdah heusaw, rin’gvaiq doxdaeb doxdaz, sa saeq henj bu rim ndaw dah, yawj daeuj mbouj lumj yiengh dahhung saekdi, dauq lumj duz ngwz ndeu, ninz dinghrwgrwg. Hoeng seizfwn daeujdaengz, de fwt bienq ndang, couh baenz duz lungzhung saekhoengz yak raixcaix ndeu, hwnzngoenz **17.**____. Danghnaeuz gangj Dahheu caemdingh、unqswnh ne, Dahhoengz cix guengzbag、**18.**____. Seizneix, Dahhoengz couh dangq fangzyak bienqbaenz, dwglau dangqmaz. Danghnaeuz ranz lawz lwgnyez mbouj dingqvah, vunzhung ciengzseiz yungh coenz vah yienghneix **19.**____ gyoengqde: Caiq mbouj dingqvah, couh **20.**____ mwngz roengz Dahhoengz bae!

- | | | | |
|----------------|---------|---------|----------------|
| A. laesese | B. haep | C. hap | D. maenjhumhum |
| E. gaebged | F. gaet | G. ndek | H. sienhsoh |
| I. manzgyaengj | J. got | | |

(Ngeih) Genj dapanq

Gangjmingz: 21~28 daez, moix daez 2 faen, gungh 16 faen. Moix duenh vah baihlaeng bwh miz 2 aen vwndiz. Cingj mwngz ciuq eiqsei duenh vah, genj aen dapanq ceiq habngamj ndeu, dawz aen cihmeh baihnaj dapanq sij youq ndaw gvathauh.

Vangz Sucwngh ndwn youq bakdou aen danhvei dou. Seizhaenx de gaenq cienjnieb daengz Luj Sin Vwnzyozyen dang bangunghsiz cujyin lo. De ndwn youq henz song boux bingdawzneuz. Gou doiq bingdawzneuz gangj, gaxgonq de dwg boux bubingh yingzcangj Vujhan Ginhgih, bingdawzneuz baez gingqlaex, couh hawj gou caeuq Vangz Sucwngh haeujbae lo. Vangz Sucwngh daeuj ra gou it dwg dungyenz gou bae doeg aen cozgyah yenzgiuswnghbanh, ngeih dwg heuh gou caeuq de itheij bae Yimwnz Youzdenz hwnjdangz, son gyoengq bouxcoz gyaez vwnzyoz. Song gienh saeh neix gou cungj mbouj nyienh bae, hoeng Vangz Sucwngh yungh mbouj daengz sam faencung seizgan couh gangjfug gou lo. Ndaej yienghneix gangj, danghnaeuz mbouj dwg Vangz Sucwngh daeuj dungyenz gou, gou couh mbouj bae doeg yenzgiuswnghbanh, hix mbouj bae Yimwnz lo.

21. Mwngz roxnyinh Vangz Sucwngh dwg bouxvunz yienghlawz?

【 】

- A. Boux hab bae doeg banyenzgiuswngh.
- B. Boux hab bae Yimwnz Youzdenz hwnjdangz.
- C. Boux gig rox gangjfug vunz.
- D. Boux bakbamz raixcaix.

22. Vangz Sucwngh caengz cienjnieb dang gijmaz cizvu?

【 】

- A. bangunghsiz cujyin
- B. bubingh yingzcangj
- C. lauxsae banyenzgiuswngh
- D. lauxsae Yimwnz Youzdenz

Dahmeiz liuq daxgoeng hwetgungq gyaueujhau, mbouj gangj saek coenz. Gizgyae miz singyaem loxlez, de rox haenx dwg gijmaz saehcingz, caemh rox sing loxlez youq fueng lawz. Daxgoeng caeuq de roengz ruz le, hwnj hamq dah bae. Vihliux caeux di yawjraen aengiuh coux bawxmoq, Dahmeiz lij benz daengz laj aendap laeng ranz bae yawj. Gvaq mbouj geijlai nanz, gyoengq vunz haenx daeuj lo, song boux boq loxlez, seiq bouxsai rengzrwd, aen giuhva ndeu, boux lwggwizmoq ndeu, lij miz song duz yiengz, boux lwgnyez cing yiengz ndeu, boemh laeuj ndeu, hab

ceizndek ndeu, boux rap huqlaex ndeu. Gyoengq vunz neix hwnj ruz le, Dahmeiz caeuq daxgoeng caemh hwnj ruz lo, daxgoeng rag ruz, Dahmeiz ing aengiuh ndwn dwk. Dep hamq le, boux lwggwizmoq haenx daj ndaw daehbuh mbon ok aen fungbau ndeu, ndenq hawj daxgoeng, neix dwg gvigawj.

23. Dahmeiz baez dingqnyi gij sing loxlez gizgyae, couh rox gijmaz saehcingz? 【 】

- A. Miz vunz daeuj naengh ruz bae haw.
- B. Miz gyoengq vunz soengq laex bae ranz canghruz.
- C. Miz vunz boq loxlez bae hohheij.
- D. Miz gyoengq vunz coux bawxmoq daeuj naengh ruz.

24. Duenh vah neix gangj daengz cungj gvigawj lawz? 【 】

- A. Gyoengq vunz coux bawxmoq aeu boq loxlez ciengqgo.
- B. Gyoengq vunz coux bawxmoq aeu naengh ruz gvaq dah.
- C. Lwggwizmoq naengh ruz gvaq dah bae coux bawxmoq, aeu soengq fungbau hawj canghruz.
- D. Lwggwizmoq naengh ruz gvaq dah bae coux bawxmoq, aeu rap laeuj, ceizndek caeuq cing yiengz bae.

Dahginz boux dog daeujdaengz Gauhmyau Cunghyoz guh lauxsae. De gig doengzcingz Gauh lauxsae. Aenvih Gauh lauxsae boux vunz neix lauxsaed, baenzngoenz ngaemgyaeuj guh gij hong hagdangz, lij yaek guh hongranz dem, dwgrendz lai lo. Gauh lauxsae hix gig gvansim Dahginz, miz baez ndeu, bang de cawx **cangz vanj ndeu**. Lij ciengzseiz bang Dahginz bag fwnz, muh mienh, rap raemx, cawx haeux. Doenghgij neix cungj sawj Dahginz gig gamjdoengh. Gauh lauxsae dwg boux gig haengj guh saehnieb, de sonhag ak, youq daengx yienh gig okmingz. Youq ndaw gunghcoz Gauh lauxsae coengzlaiz cungj mbouj diunanz Dahginz. Geij ndwen neix daeuj, Dahginz sojmiz hojnanz, Gauh lauxsae cungj saeqsim naemj daengz, rapnaek cungj youz Gauh lauxsae gag rap. Dahginz yawj ndaej ok, Gauh lauxsae yienghneix gvansim de, mbouj dwg aenvih de dwg dahnuengx gyauyuzgiz gizcangj, dwg Gauh lauxsae bonjlaiz couhdwg vunzndei.

25. “Cangz vanj ndeu” miz gejlai aen? 【 】

- A. aen ndeu B. bet aen
C. cib aen D. cibngeih aen

26. Youq sonhag fuengmienh, Gauh lauxsae baenzlawz doiqdaih Dahginz? 【 】

- A. Gauh lauxsae mbouj diunanz Dahginz、naemj daengz Dahginz sojmiz hojnanz、rapnaek cungj gag rap.
B. Gauh lauxsae rapnaek rapmbaeu cungj gag rap.
C. Gauh lauxsae mizseiz naemj daengz mbangj hojnanz Dahginz.
D. Gauh lauxsae ciengzseiz diunanz Dahginz.

Veiz Siujvaz geiq ndaej de sam bi seizhaenx, dwg roekcib nienzdash cogeiz, ndaw ranz miz aen sahfaz gaeuq ndeu, mienhliuh dwg dwnghsinhyungz **loq hoengz**, ndaw sahfaz mbangj danzvangz vaih lo, cungbyoengq le mienhliuh sahfaz, sawj baenzaen sahfaz yawj bae mboepmboep doeddoed, vunz baez naengh hwnjbae couh yiengj nyi'nyi nyednyed. Veiz Siujvaz moix baez benz hwnj sahfaz gig dwgengz, cungj roxnyinh laj caekhaex miz geij aen gaemxgienz dub de, gij gyauejhoq byotnyieg caeuq baihlaeng oiqemq de deng danzvangz bungq in bae. Hoeng de lij nyienh benz hwnj sahfaz bae, aenvih caeuq aen eijfaex geng doxbeij, de youq gwnz sahfaz ndaej seizbienh doeng laemx sae ngeng —— Ndaej doeng laemx sae ngeng couh soengswt, Veiz Siujvaz daj iq couh maij soengswt.

27. Coenz vah “mienhliuh sahfaz dwg dwnghsinhyungz **loq hoengz**” neix, aen swz lawz ndaej lawh “**loq hoengz**”? 【 】

- A. maqhuz nding B. miz di nding
C. gig nding D. haemq nding

28. Veiz Siujvaz vih gjmaz nyienh benz hwnj gwnz sahfaz bae? 【 】

A. Aenvih de youq gwnz sahfaz ndaej seizbienh laemx bae ngeng dauq soengswtswt.

B. Aenvih de naengh hwnj sahfaz bae couh yiengj nyi'nyi nyednyed, gig mizyinx.

C. Aenvih sahfaz beij eij unq ndei naengh.

D. Aenvih naengh gwnz sahfaz onjdupdup.

Ndaejfaen	Bouxbingzgienj

Sam、Yawjdoeg Dap Daez (8 faen)

Gangjmingz: 29~30 daez, moix daez 4 faen, gungh 8 faen. Moix duenh vah baihlaeng cungj miz aen vwndiz ndeu, cingj mwngz doeg le hoizdap.

Doenggvaq saedniemh caeuq cazyawj mizgven swihliu, ndaej ok aen gietlwnh lajneix: Lwgda duzmoed raeh dangqmaz. Duzmoed mboujdanh ndaej aeu gij doxgaiq gwnz dieghawq daeuj nyinh roen, caemhcai q daengngoenz youq gizlawz caeuq gij ndit gwnzmbwn cik roengzdaeuj haenx, duzmoed cungj ndaej aeu daeuj nyinh gij fuengyiengq dauqma aenrongz. Linghvaih, cawzok baenghgauq da yawj, duzmoed lij ndaej baengh heiq daeuj nyinh roen. Mbangj duzmoed rox youq gwnz doem gyoengqde raih gvaq haenx louz miz cungj heiq ndeu, dauqma seiz cijaeu ra daengz cungj heiq neix, couh mbouj deng loengroen. Mbangj duzmoed yienznaeuz mbouj youq gwnz roen raih gvaq haenx louz miz gijmaz heiq daegbied, hoeng gyoengqde ndaej geiqmaenh gij heiq sengcingz miz, couh mbouj deng loengroen.

29. Duzmoed ok rog bae le, baengh geij cungj banhfap lawz dauqma aenrongz de?

Dap:

Bineix ngamq haeuj seizdoeng, daxbuz daiq Simjleix haeuj ranz daeuj. Simjleix vunz sang byombyangq, nienzgeij aiq miz 40 bi. Daxbuz naeuz Simjleix dwg boux ranznden ranzmeh swihgeij, ndaw ranz reihnaz noix,

seizneix okdaej ra hong guh. Daxgoeng nyaeuqnyaeuq bwnda, daxbuz gaenq rox gij eiqsei daxgoeng lo, dwg yiemz de byom lai. Hoeng de yienghcej lij ndei, din fwngz hungcoek, youh swnhcoengz, mbouj gangj saek coenz, gig lumj boux lauxsaed naihaemz ndeu, couh mboujguenj daxgoeng nyaeuq bwnda, louz de roengzdaej lo. Youq duenh seizgan sawqhong, de baenzngoenz cungj guhhong, lumjnaeuz ndaejhoengq couh mbwq, youh miz rengz, caen dingj ndaej bouxsai ndeu, vihneix ngoenz daihsam daxgoeng couh louz de roengzdaej guh hongranz, moix ndwen cienzhong 3000 maenz.

30. Codaeuz daxgoeng vih gijmaz mbouj daih siengj yungh Simjleix? Doeklaeng vih gijmaz youh gietdingh yungh de ne?

Dap:

Ndaejaen	Bouxbingzgienj

Seiq、Fanhoiz (26 faen)

Gangjmingz: 31~34 daez, gungh 26 faen. Lajneix miz seiq duenh vah. Cingj mwngz ciuq gij iugouz daezmoeg fanhoiz okdaej.

31. Aeu Sawcuengh hoiz duenh Sawgun lajneix. (8 faen)

我到仙台也颇受了这样的优待，不但学校不收学费，几个职员还为我的食宿操心。我先是住在监狱旁边一个客店里的，初冬已经颇冷，蚊子却还多，后来用被盖了全身，用衣服包了头脸，只留两个鼻孔出气。在这呼吸不息的地方，蚊子竟无从插嘴，居然睡安稳了。饭食也不坏。但一位先生却以为这客店也包办囚人的饭食，我住在那里不相宜，几次三番，几次三番地说。我虽然觉得客店兼办囚人的饭食和我不相干，然而好意难却，也只得别寻相宜的住处了。

Hoiz:

32. Aeu Sawcuengh hoiz duenh Sawgun lajneix. (8 faen)

良种猪，一般指生长快、品质好和适应一定地区自然条件，并适用于大规模养殖的品种。但具体到养殖户，则应根据本身饲养的目的来确定猪种。如果其生产目的是以生产肉质优良的产品为主，则巴马香猪就是良种；但其生产是以盈利为目的，则瘦肉型猪就是良种。广西各地自然气候、饲料资源、膳食习惯等有些差别，人们选猪种的要求不一样，经过长期的自然与人工选择，形成了许多各具特色的地方猪种。

Hoiz:

33. Aeu Sawgun hoiz duenh Sawcuengh lajneix. (5 faen)

Baihnaej aending luenhnyaengnyaeng yaep ndeu, daxmeh hainduj hwnjdangz lo. De aeu gep benjdou gaeuq ndeu guh hwzbanj, ndaw fwngz gaem geij diuz faenjbit, son geij cih saw ceiq yungzheih. Gijneix youq ndaw mbanj dou suenq dwg gienh saeh hung ndeu, sai mbwk laux nyez cungj ciengj daeuj yawj, haujlai mehmbwk ding haiz、umj lwg hix cungj caenx ndwn youq henz, sangsang daemqdaemq cungj dwg gyauejvunz, cauzhuhu. Sawqmwh, dieg hwnjdangz fwt caemrwg, daxmeh yawjraen gyoengq mehmbwk ndwn haenx cungj nyeux yawj mbiengj ndeu, yienzlaiz cunhcangj hix daeuj dingq hwnjdangz lo.

34. Aeu Sawgun hoiz duenh Sawcuengh lajneix. (5 faen)

Raeuz aeu genhciz byaij diuzroen hozbingz hwngfat, hoeng itdingh mbouj ndaej vut bae gij gienzik cingqdangq raeuz, itdingh mbouj ndaej vut bae gij leih'ik haedsim guekgya. Sojmiz guekrog gaej maqmuengh raeuz dawz gij haedsim leih'ik bonjfaenh bae guh gaicawx, gaej maqmuengh raeuz ndwnj roengz aen makhaemz sonjhaih gij cawjgienz、ancienz、leih'ik hwngfat guek raeuz. Cungguek byaij diuzroen hozbingz hwngfat, gizyawz guekgya caemh aeu byaij diuzroen hozbingz hwngfat, cijmiz gak guek cungj byaij diuzroen hozbingz hwngfat, gak guek cijndaej doengzcaez hwngfat, guek caeuq guek cijndaej hozbingz doxyouq.

Hoiz:

Ndaejfaen	Bouxbingzgienj

Haj、Sij Faenzieng (30 faen)

Iugouz:

1. Ndaw faenzieng mbouj ndaej sij miz gij danhvei、diegyouq、mingzcoh bouxgauj.
2. Yungh Sawcuengh gyoebyaem byauhcuinj daeuj sij.
3. Daengx bien faenzieng miz 800 aen yaemciet doxhwnj.

35. Vahsug naeuz: “Faen dajndaem ndeu, faen souhaeuj ndeu.” Hoeng Cwngh Gozfanh sienseng cix naeuz: “Gaej cam souhaeuj, danh cam dajndaem.” Doiq neix mwngz miz maz siengfap, youh roxyiuj gijmaz? Cingj giethab gij hagsib roxnaeuz swngghoz daejniemh swhgeij, sij bien faenzieng ngeixlwnh ndeu, daezmoeg gag dingh.

